

詭號王風實有仙風性通禪釋貫儒風清談吐玉落筆如風解  
著長篇揮短句古詩風斤運成風鵬化搏風恣雲遊列禦乘風  
冬寒閉戶念見高風更坐無鑪眠無被任霜風

丹陽繼韻

仙侶王風來化扶風啟虔誠特顯家風出神入夢跨鶴乘風要  
馬風風風取信便隨風見景投風藉甚儒風脫家緣故做心風  
不迷假相直認真風更捉風颺乘風馬駕雲風

黃鶴洞中仙

你待監心走我待堅心守栗子甘甜美芋頭翁母同張口開取  
四時花綻取三春柳一性昭然全得他玉液瓊漿酒

道藏輯要

分梨十化集

三

胃集二  
川名川

丹陽繼韻

不敢心狂走極謝師真守芋栗今番六次餐美味常甘口不作  
東牟叟不戀東風柳參從風仙物外遊共飲長生酒

黃河清

根固源澄宜鎖戶清清堅守深洞轉加溫煖悉屏巖凝寒凍別  
是風流雅致頓知得超昇管中得自然開悟長生遇玉花正好  
拈弄元初本有真靈明明處這迴搜見鉛汞便令結就一粒金  
丹堪貢顯現祥光瑞耀更來往隨鸞引鳳十洲三島神仙喜慶  
迎共班

丹陽次韻

師父專專封閉戶非千回濟雲洞亦非誇術能受三冬飢凍爲  
我愚頑戀俗用機化妄言必中等待子自悟知其遇捨家物外  
拏弄怡然頓覺元初指塵累便烹鉛更烹汞於澄湛中保養神  
珠爲貴直待功成行滿恁時節攜雲跨鳳赴蓬萊島仙童遠遠  
來迎班

### 憶王孫

分明七寶更休論七座門開各有門一四二三各彼吞返陽魂  
便是長生保命存

### 丹陽繼韻

風仙師父妙談論說透無爲清淨門舌上甘津味得吞漑精魂

### 道藏輯要

分梨十化集

三

胃集二

陰裏陽生萬劫存

### 玉京山

失笑迷陰化不來頑愚心鎖硬怎生開直饒富貴沒殃災天年  
限終久落輪迴鬼使早相催兒孫難替得有何推恁時悔恨哭  
聲哀方知道學道是仙材

### 丹陽又韻

慷慨男兒跳出來名韉并利鎖豁然開宜乎了幹死生災超彼  
岸休望再頭迴師父教言催道裝當結裏沒心推任教妻子哭  
哀哀關西去做箇駕雲材

### 臨江仙